



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt XI. Oratio Guidonis Fabri in generali cœtu. Responsum illi redditum.
Nona Pontificis sensa de Concilij turbamentis; & illuc missus Carolus
Vicecomes, Episcopus Vintimilliensis.

urn:nbn:de:hbz:466:1-11665

quam legem, quæ minimè profutura Ecclesiæ videbatur. Atque 1562.
hoc ipsum præstiterunt modo longè remissiore, magisq; illæsa
Concilij libertate, quæ adhibuerint Principes laici, iis legibus re-
pugnantes, quas ciuili ipsorum potestati noxias arbitrabantur. Ita
id quod quasi sal videbatur, vulgo lambenti sapidum, deprehenditur
cibus marcidus, cuius putredo, ut fieri solet, insperso veluti sale
fuit occultata.

C A P V T X I.

Oratio Guidonis Fabri in generali cœtu. Responsum illi redditum.

*Nova Pontificis sensa de Concilij turbamentis; & illuc
missus Carolus Vicecomes, Episcopus Vintimiliensis.*

Si animum quidem ex parte corruptum à Politicis Galliæ Tri-
denti gesserat Lansacus, et si magis illic male affectorum su-
furris depravatus fuerat; longè corruptiores animos gesse-
runt illius collegæ. Paulò pòst peruenere Tridentum Ferrerius &
Faber^a. Prior missus fuerat^b ad Pontificem à Carolo Rege, altero
post obitum Francisci II. die, ad Synodi celeritatem inculcandam;
sed valdè suspectæ erat religionis, vt pote qui auctor fuerat in Con-
uentu S. Germani, vt hæreticis templo concederentur; quod tamen
ille, cùm ad Concilium designatus fuit, excusauit in Gallia apud
Legatum^c, affirmans, Velle se in antiqua Fide viuere & mori, ac spe-
rare se iterum ad Pontificis pedes accessurum; sed eam protulisse
sententiam in cœtu iam diēto, quod ibi solam incolumentem Gal-
liæ, bonumq; ciuile regni spectauerat: quamquam postea conti-
nuata in religione illius opera^d huiusmodi verbis minimè respon-
derint. Grauius laborabat Faber finistrâ religionis famâ: sed is
modicâ auctoritate instructus aduenerat, & potius ut politâ pero-
raret facundiâ, quæ ut politâ res pertractaret prudéntiâ. Statu-
tum fuit, ut ij in cœtu die vigesimo sexto Maij exciperentur. Ora-
tionem habuit Faber. Eius tenorem refert Suauis, sed nec integrè
nec fideliter. Narrat, cùm illa visa fuisset auditoribus aculenta,
à Promotore hætabundo redditum eo die pro more responsum
non fuisse. Prætero errorem dicentis, & hīc & alibi reddita fuis-
se à Promotore responsa, cùm reuerâ redderentur ab eo qui erat
à secretis, cuius ministerio, non Promotoris, congruunt & adne-
ctuntur hæc officia urbanitatis cum iis qui ab exteris Principibus
legintur. Sed in hoc peculiari euenturem ipsam, quæ gesta fuit,
ignorat. Sic ergo ea se habuit.

Iiiii 3

Consue-

^a 19 &
^b 21. Maij,
ex Diario.
^c Extat in
oratione
Ferrerij.

^c Litteræ Fer-
rarientis
Card. ad
Borromæum,
23. Aprilis,
missæ 28.
1562.

^d Narratio
Veneti Ora-
toris apud
Synodus ad
Rempubli-
cam, & epi-
stola Iadren-
sis Archi-
episcopi,
28. Maij

1562. ^e Est in Actis aut oculis aut auribus eius qui à secretis erat, communicare, ut ab illo consentanea responsio concipi posset. Iam verò eam Galli lufus in strandam Massarello concesserant, sed in ea tantummodo parte magis temperata; Faber verò illam recitauit cum adiectis appendicibus, quæ satyra in anteacta Concilia sapiebant: quapropter egressis pro more Oratoribus, habitoque de response consilio, Petrus de Xaque Hispanus, Ordinis Prædicatorum, Episcopus Niœquensis, commotior dixit, eos Oratores in Sessione excipiendo non esse; alij verò eam orationem nonnisi emendatam in Acta Synodi esse referendam. Et reipsa aliqua illi emendatio adhibita est, vt constat ex volumine typis edito Louanij anno 1567. ^f vbi nec ea quæ sunt proposita, nec quæ responda, cum exemplari illic recitato plenè concordant: sed prudentius communiusque consilium fuit, ne vllum tunc certum consilium suspiceretur, adeoque tempus ipsum consiliarium aduocandum, re protractâ usque ad proxime futurum conuentum.

^g In dicto libro Gallico, impreso anno 1613, & in altero libello, in prefato Rißa Tridenti eodem anno 1562. Orationis igitur à Fabro habitæ, ac posteà per varios libros vulgariter, huiusmodi fuit sententia. Amplificauit Francisci Primi & Henrici Secundi merita in Eccleiam; eorum inflammata studia, quò celebraretur Concilium cunctis liberum, & in loco convocatis Patribus haud molesto, in quo Concilio religionis controversiae agitarentur, & Ecclesiæ concordia consuleretur. Høs eosdem in animo sensus fouentem Carolum Nonum, tunc superstitem, solium ascendisse; quorum testes ac narratores esse poterant ipsi Oratores, Fabri collegæ, Ludouicus à S. Gelasio, Lansaci dominus, & eques S. Spiritus, & Reginaldus Ferrerius Parisiensis Præses, vterque regi legatione apud Pontificem functus, quò, tametsi Pontifex sponte curreret, ipforum tamen postulationibus incitaretur ad necessariam conuocationem, detextis ipsi Galliæ vulneribus; quæ, nisi huiusmodi ynguentum festinaretur, nec sanari poterant, nec coalesce-re; quin potius dilatarentur, innumeris hominibus ab Ecclesia secedentibus non modò cum ciuili regni perturbatione, sed cum summo eorum detimento atque infamia, ad quos curatio spectabat, vbi eam neglexissent. Nec solum apud Pontificem, sed apud Caſarem ac Regem Catholicum ad rem promouendam studio præfuido suam operam à Rege impensam fuisse.

Dein sermone ad Patres conuerso, dixit: Nobilissimum ac penè Diuinum esse opus, quod ex ipsis expectabatur, hoc est, Religionis sanitatem, tot in partibus vulneratæ, non humanâ vi, sed afflati

S. Spi-

^f Apud Pe-trum Zan-grium Tite-lamum.

HISTORIÆ
CONCILII TRIDENTINI
PATERES

BIBLIOTHECA

507

S. Spiritus afferendam : dederent in portum Ecclesiam, quinqua-
ginta iam annos ventis tam aduersis agitatum; statuerent quid esset
credendum in tanta opinionum varietate; restituerent disciplinam,
collapsam ministrorum aut negligentiam; aut imprudenti studio reli-
gionis. Negari non posse, quædam effluxisse, digna alia quæ dele-
rentur, alia quæ corrigerentur. Quemadmodum ipse semper cen-
suerat, esse retundendos eos, qui absque superiorum Decreto, &
pro sua libidine audebant ab Ecclesia remouere vniuersum rituum
ordinem, qui Religionis comes est & minister, aliasque cæremo-
nias inducere; ita fortasse peccari posse nimia duritie in retinendis
cunctis pristinis institutionibus, nequaquam expensis iis, quæ re-
rum inclinatio, temporum conditio, & Reipublicæ tranquillitas
postulabant. Hostem humani generis Patres agresurum esse, pro-
eo ac solet, intimis præliis, obiecturumque illorum animis, nihil
ipsos ex tot laboribus consecuturos, nisi vita rigorem, iacturamque
earum commoditatum, & illius splendoris, quibus ante reforma-
tam disciplinam fruebantur. Vbi se finerent his irritamentis capi,
ipsorum se operam, existimationemque Conciliorum deperditu-
ros, quæ in Ecclesia primæua ingens fuit, & ingens foret, vbi Chri-
stiana Ræpublica componeretur. Ipsorum ac maiorum ætate va-
rias Synodos coactas fuisse, & à maximis Episcopis varios conuen-
tus habitos in Germania & Italia, sed fructu aut minimo, aut nul-
lo. Nolle se rei causas subtilius indagare, neque rumores popula-
res exquirere: taceri tamen à se non posse caufam, quæ fortasse po-
tissima erat; dici, ea Concilia legitima ac libera non fuisse, pro-
pterea quod ij qui aderant, loquebantur, seu proprius consentie-
bant pro alterius voluntate, quo nullum pestilentius in Tribunalis
vitium est. Illic Patres non solam Consiliariorum, sed Iudicium
quoque personam gerere, cum potestate ipsis à Christo absolutè
concessa, & in veteribus Conciliis exercita. Ad eam tuendam vbi
reliqua deessent auxilia, suas omnes vires offerri à Rege Christia-
nissimo, & huius rei gratiâ eos tunc Oratores ab eodem legari.

Hic Orator post grauissimam castigationem, quæ inuenitus est in
seruos togatos, & iudices mercenarios, qui non in causis fundo-
rum stillicidiorumque, sed rerum maximarum, maximeque Di-
uinis vocem impendebant in commercanda gratia potentiorum,
adiecit, id conquestam fuisse præteritam ætatem. Cauerent proin-
de proferre sententias ad conciliandos sibi animos Regum, Cæsa-
rum, aut Pontificum: quod si id committerent, præuideri à se Eu-
ropæ Ecclesiæque perniciem. Et quoniam Tridentino Concilio
fortassis.

1562.

fortassis officiebat sinistra de anteactis existimatio (Constantiense indicabatur) palam facerent, libertatem in eo possideri, fidem haud violari, rationes non flamas adhiberi, disceptari studio veritatis conquirendae, non animo ab opinionibus perucaciter preoccupato. Ad hanc secundam ipsorum famam, nobilissimam Germaniae nationem, cuius potissimum gratia Concilium celebrabatur, e somno quasi excitandam esse, illuc suos delegatos missuram, venturamque ad rem amicè transigendam; atque uniuersam Rempublicam Christianam, tunc in tam contrarias voces factioneque diuisam; in unum labium unumque cor coalitaram. Ad tam sublimia tamque ardua molimina, quod se generosius compararent, in animum inducerent, Carolum Nonum se habituros fidelissimum socium, & fortissimum adiutorem; qui sicuti libenter ipse per se interesset, si per etatem teneram sibi liceret, ita statutum habebar, suorum Oratorum operam absentiam compensare, oblatis in Ecclesiae commodum ipsi Concilio non modo suis cunctis thesauris ac editionibus, sed vita simul & sanguine.

Suaus summan Orationis recitans, narrat, Fabrum dixisse, debere Patres palam facere, Spiritum Sanctum non nisi e celo esse invocandum: Synodus illam non eam esse, quæ Pauli & Iulij etate fuerat habita inter tumultus & arma, ac dissoluta, nullâ bona re confecta. Sed in primis ipsum quod proferri potest orationis testimonium non ita dicit: dicit, absque præclaro opere. Præterea adducti loci fides mihi dubia est, quamquam ille in aliquo recentiori libro legatur^b: nam in oratione per typos impressa Ripæ Tridenti eodem anno quo fuerat recitata, & ubi reliqua verba mordacia continentur, quæ in impressa postea Louanij non habentur, haec particula non adest: & mirum videretur, si dicta ea fuisset, Hispanos, quippe continuationis studiosissimos, eam absque consonante responsione præterituros fuisse. Quare voces illæ scripto fortasse fuerant à Fabro appositæ, sed non ore prolatæ, ne rumor intempestivus ciceretur. Archiepiscopus Iadrensis scripsit, in exemplo, post recitationem tradito, nouum aliquem aculeum fuisse adiectum: sed fortitan illi memoriam fallente ita visum est. Verisimilior, tum ex ingenio rei, tum ex notitia narratoris, est Paleotti narratio; nimirum, à Gallis ad abstergendam ab animis diffusam amaritatem, fuisse Patrum oculis exhibitam orationem alteram longè modestiorem eam, quâ eorum aures læserant, affirmantibus illam eamdem esse; quapropter pacis ac mansuetudinis gratia decretum est in conuentu die tertio Iunijⁱ, tametsi non sine aliqua sententiarum discrepancia,

^b In libro
Gallico sa-
pius citato,
impresso
an. 1613.

Diarium,
3. Iunij.

pantia, ut res haberetur pro infecta, mitisque illis redderetur re- 1562.
sponsio die postero in Sessione.

7 In hac response, aui, parentis, ac regis superstitis pietate col-
laudata, continebatur; A quo quis hominum, qui animi perturbatio-
ne vacaret, cognosci posse, quam inique Synodus, quæ tunc exta-
bat, eam sinistrâ famâ oneraretur, quæ ex Oratorum dicto recentes
Synodos premebat. Certum esse, Concilia fuisse congregata & ter-
minata ab eo qui legitimam obtinet potestatem, & semper agni-
ta pro legitimis ac liberis, & semper conducibilia iis qui Spir-
itu Sancto non obfisterent. Sinceram Oratoris admonitionem, quæ
à Patribus in eam sententiam trahebatur, quasi eos hortaretur ad
laicorum Principum voluntati minimè obscundandum, ne coge-
rentur minus mansuetum quam cuperent & confuerint respon-
sum reddere, tibi gratam fuisse, quamvis superuacaneam. Intelli-
gerent igitur & qui aderant, & qui adfuturi erant, à Patribus po-
testatem dignitatemque Concilij semper antehabitu iri voluntati
cuiusvis Principis, & cuilibet humanæ rationi, cuius rei Orato-
res ipsi testes ac spectatores forent in proximo experimento. Polli-
ceri se quidquid possent, saluo Religionis & Ecclesiæ bono, com-
modis regni de vtraque tam benemeriti, cuiusmodi erat Gallia, eo-
que largius id offerri Oratoribus, quod confiderent, eos nonnisi quæ
merito concedi possunt petituros. Hæc fuit responsio.

8 Fluctuante inter hos motus Concilio, non minus fluctuabat
Pontifex, adhuc anceps de noua Legatorum missione. Nondum
aceperat id temporis postremam Seripandi purgationem, cum
statuit ministrum tibi fidum eò mittere, cui coram ac voce libere
sum ipse animum aperiret, & à quo notitia de rebus Tridentinis
redderetur certior ea quam accipiebat per contrarias narrationes
ab aliis, vt pote in factiones distractis, & animorum affectione oc-
cupatis. Elegit ad id Carolum Vicecomitem, Borromæi Cardina-
lis consanguineum, alia tempestate Mediolani suæ patriæ Senato-
rem, ciusque apud Philippum Regem Oratorem, tunc verò Anti-
stitem Vintimiliensem, & posteà honore purpuræ ab eo donatum.

9 Iniunxit illi ^k, ut per ditionem Urbinate iter faceret, ageretque ^k Mandata,
ibi cum Duce Guidobaldo, scero Frederici Borromæi, ipsius ex so-
nore nepotis; ac primò quidem cum eo colloqueretur de quibus-
dam negotiis ad rem nostram minimè spectantibus, hoc est, ut illi
patefaceret suppetias, à Pontifice Regi Galliae destinatas in hugo-
nottos, trecenta videlicet scutorum millia, quæ partim præsenti pe-
cuniâ erant numeranda, partim militibus impendenda. Significa-

Pars II.

K k k k

ret

& volumen
litterarum
Vicecomitis
extant in
scripturis
Barberino-
rum.

1562.

ret etiam, nauaturum se operam apud Hispaniae Regem, quâ ipsum impelleret ad opem ferendam vxoris fratri pupillo: quod si fieret, curaturum se, vt Guidobaldus summam armorum præfecturam gereret, tametsi Philibertus Sabaudus ad eamdem aspiraret. Dein ea prosequeretur, quæ ad illius missionem pertinebant, indicaretque Mantuanum ac Seripandum voto Pontificis haud respondisse, non quidem quod ad eorum voluntatem, sed quod ad ipsum opus spectabat, dum importunè permiserant, vt ea flamma in mansionis quæstione succenderetur. Conquereretur de Senogallensi Episcopo, in quem criminationes, quas diximus, irreuerentia erga Sedem Apostolicam venerant Romam, & de Hieronymo Triuigiano Episcopo Veronensi, de Antonio Scarampo Antistite Nolano, qui omnes Guidobaldo erant addicti. Nihil in Pisauensem dicebatur, quoniam auditum non fuerat, eum in ferenda sententia fines reuerentia prætergressum fuisse.

Tum iubebatur Vicecomes Tridenti cum Altempio Cardinali communicare Pontificis consilium de mittendo in Galliam milite, & illius animum explorare, an ipse copiarum administrationem titulo Legati susciperet. Significaret Olio & Simonettæ, ab ipsis plenè satisfactum Pontifici, & Simonettæ potissimum fideret. Exponeret liberè Mantuano ac Seripando quæ ipsorum opera obiectabantur: Mantuano supra reliquos Legatos honorem deferret. Controversiam de mansione aut obuoluendam silentio, aut ad Syndodi finem reiciendam, aut ad tempus diuturnum protrahendam curaret. Observaret, inuestigaretque, quo pacto animi Legatorum inter se affecti essent, quid agerent Episcopi, & quo loco res se haberent, ac de iis omnibus festinam exactamque narrationem mitteret.

Hic in transitu duo Suavis errata perstringam: alterum, dicentis, auxilia tunc Galliae decreta, fuisse ducenta scutorum millia, cum, vt vidimus, trecenta millia fuerint: alterum, affirmantis, Pontificem post Sessionem habitam decimo quarto Maij, & post molestiam illic à Mantuano sibi illatam, quod Continuationem declarandam non curauerat, rediisse ad consilium addendi Synodo novos Legatos: & ne primas partes auferret Mantuano Cardinali, habuisse in animo illum in ordine Cardinalium Episcoporum collocare per opportunitatem demortui tunc in Gallia Turnonij, Cardinalis: nam ex opposito constat ^m, in Senatu Vaticano, die decimo octavo Maij habito (cum difficulter poterant Romanum peruenisse nuntij Sessionis die decimo quarto celebrata) fuisse distri-

^m Acta Se-
ssatus.

HISTORIAE
CONCILII TRI-
DENTINI
PARS IX.

SU
S

distributos aliis Purpuratis cunctos sex Episcopatus, qui Cardinalibus destinantur.

- 12 Vrbini natus est Vicecomes Ducem Guidobaldum, de Tridentinis discordiis probè conciumⁿ, animaduertitque, illum opinari, Mantuanum inductum animum ad alias collegas excipiendo ex voluntate Pontificis, tametsi primas ipse amissurus esset, sed non absque intimo animi dolore: quare auctor erat, ne Cicala mitteretur. Et sanè videtur Mantuanus primarum partium haud ambitiosus fuisse, quando legationem^o accepit una cum Puteo qui præcessisset, & ut hic veniret operam dedit. Quocircà putabatur in collegarum accessione ægre passurus fuisse non secundum locum, sed descensum ad secundum locum.
- 13 Guidobaldus, quippe curiosus & intelligens, lustrare voluit commentariolum Alfonsi Salmeronis, quem secum gerebat Vicecomes, pro ea parte, quæ mansionem existimabat esse Iuris Ecclesiastici, plurimâ mutuatum à Catharini commentario, & quem postea Vicecomes ad Borromæum misit, quod, ybi placeret, per typos ederet, sicuti effectum est. Ceterum dixit Dux, Fuisse iam à se adhibita officia cum Veronensi, obtulitque, cum Senogallensi eadem se impensurum.
- 14 Venetiis iter habuit Vicecomes, ibique apud Nuntium egit tum de causa Patriarchæ Grimani, in qua Pontifex propendebat ad ipsum Romam vocandum; sed verebatur, ne Respublica, quæ Grimatum impensè amabat, id offensioni sibi duceret: tum de rebus à Mantuano gestis, cui ille Nuntius erat intimus, adeoque per amicam libertatem poterat ipsum monere aliqua de re, quæ fortasse non ita in eius animum descendisset in colloquiis Vicecomitis, in quibus Principis obiurgatio visa fuisset: cùm interdum libenter accipiamus ab inferiori, pro beneficio tamquam notitiæ tributum, id quod molestum accideret à Superiore profectum, tamquam onus ab exprobrante.

1562.

ⁿ Litteræ Vicecomitis ad Borromæum,
29. Maij
1562. Pisau-

^o Litteræ Vicecomitis ad Borromæum,
9. Junij
1562.

Kkkkk 2 CAPVT